

Atuakkialerinemik paasissutissiisarteq

Groenlandica, nunarput inuilu pillugit atuagaateqarfik atuakkialerinemik paasissutissiisartumik oktobarip 1-iat 2026 aallarnerfigalugu isumaqatigiissuteqarnikkulluunniit atorfinittussamik pissarsiorpoq.

Groenlandica Nunatta Atuagaateqarfiata immikkoortortaraa. Ilimmarfimmi inissisimavoq Ilisimatusarfiullu atuagaateqarfia illoqatigalugu. Kulturikkut kingornussassat tammatsaalinissaat siunertaralugu tamanut saqqummersinneqarsimasut katersortarpagut, nalunaarsortarpagut, tammatsaalisassanngorlugillu toqqortaatigilertarlugit. Ilisimatusarnermut tunngasunik atuagaateqarfipput atuakkanik atuagassianillu Kalaallit Nunaannut tunngasunik issittumilu pissutsinut tunngasunik, kiisalu sammisanik kalaallinut inuiaqatigiinnut attuumassuteqartunik imaqarpoq.

Suliassat:

- Saqqummersitsisimasut saqqummersitaannik tunniussisussaataitaneq malillugu piniarnissamut akisussaasoq
- Saqqummersitanik atorniarneqarsinnaasunngortitassanik piniarnissamut akisussaasoq
- Saqqummersitanik nutaanik pigeriikkanillu nalunaarsuineq
- Atuakkialerinemik paasissutissiisarneq - atuagaateqarfimmiittunik nittartakkatigoortussanillu
- Atuakkanik avammut nittarsaassassanik suliaqarneq
- Annikitsumik nutsigassanik suliaqarneq
- Ilimmarfiup Atuagaateqarfiata ammanerani atuisunik sullissineq

Naatsorsuutigaarput:

- Kalaallit kulturiannut, oqaasiinut atuakkialerinemulluunniit tunngasumik ilinniarsimasuussasutit
- Atuagaateqarfimmi atortorissaarut Cicero imaluunniit atuagaateqarfiup atortorissaarutai allat misilittagaqarfigissagitit, piumasaqaataanngilarli
- Tulleriiarillaqqissuusutit suliannullu peqqissaartuusutit
- Kiffartuussinissamut atuisunullu assigiinngitsunut sullissisinnaasutit
- Kalaallisut qallunaatullu allannermi oqalunnermilu piginnaasaqartutit
- Avammut nittarsaassinermi allannikkut oqalunnikkullu ersarissumik piginnaaneqassasutit

Uagut pilluta:

Suliffeqarfik suleqatigiinnut sisamanut agguataarneqarpoq: Suleqatigiit Groenlandica, Suleqatigiit Nunarput, Suleqatigiit Sammisassaqaartitsisut aamma Suleqatigiit Kiffartuussisut. Atuagaateqarfiuvugut aaqqissuussinerpasuarfik ingerlatsisartut, Unnuk Kulturisiorfik atuakkiortumillu malunnartitsineq ukiumoortumik ingerlanneqartartut aaqqissuunneqartarlutik. Illoqarfiullu kulturikkut pikialaartitsinerani peqataarusuttarpugut, soorlu Nuummi Suialaa Arts Festivaleqaleraangat.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniaasinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput. Qinnuteqartoq uppersaasatitalinnik piginnaasalik immikkut siunnersortitut, siunnersortit pisortaatusut siunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.